

ԳՐԱԽՈՍԱԴԻԹՅՈՒՆ

ԱՐ. ՄՆԱՑԱԿԱՆՅԱՆ.—ԳԵՐՄԱՆԱ-ԹՈՒՐԲԱԿԱՆ ԶԱՎԹԻՉՆԵՐԻ
ԳՈՐԾԱԿԱԼՈՒԹՅԱՆ ԶԱԽՈՂՈՒՄԸ ԿՈՎԿԱՍՈՒՄ՝ ԱՌԱՋԻՆ
ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՆԱԽՕՐՅԱԿԻՆ

Հայպետերատ, Երևան, 1948 թ., էջ 204:

Անդրկովկասի ժողովուրդները զայրույթով ու ատելությամբ են մտաբերում իրենց հայրենիքի օկուպացիայի և օրերը, օկուպացիա, որ տեղի ունեցավ պերմանա-թուրքական զավթիչների՝ իսկ այնուհետև էլ անգլո-ֆրանսիական իմպերիալիստների կողմից, համաշխարհային առաջին պատերազմի տարիներին: Այդ օրերը՝ վրացի, հայ և ադրբեջանցի ժողովուրդների համար՝ օտարերկրյա զավթիչների պատճառած սովի, քայքայման և ֆիզիկական բնալքման օրեր էին:

Գերմանիայի, Անգլիայի, Ֆրանսիայի և Ամերիկայի իմպերիալիստները ինչպես և երանց թուրքական գործակալները իրենց պլանների մեջ միշտ էլ հատուկ ուշադրություն էին հատկացնում Կովկասին, որպես Նվրոպայի և Ասիայի սահմանի վրա գտնվող ստրատեգիական պլացդարմի, որպես մի երկրի՝ որ շատ հարուստ է իր բնական ռեսուրսներով:

Ա. Մնացականյանը պատմում է առաջին համաշխարհային պատերազմից առաջ գերմանա-թուրքական գործակալության կողմից Կովկասում կատարված աշխատանքի մասին, աշխատանք, որը պատերազմի դեպքում պետք է նախապատրաստեր Անդրկովկասի զավթումը գերմանա-թուրքական զորքերի կողմից:

Գրքի հեղինակն օգտագործելով մեծ քանակությամբ արխիվային նյութեր ու գրականություն, շոշափել է քաղաքական մեծ կարևորություն, հրատապություն ունեցող խնդրի ներկայումս անդլո-ամերիկյան իմպերիալիստները և նրանց թուրքական գործակալները համաշխարհային նոր պատերազմի պլաններ են մտորում: Նրանց հանգիստ չեն տալիս սոցիալիզմի ներկրի հարաճուն հզորությունը՝ մեր երկրի բնական հնարավորությունները: Ինչպես առաջին համաշխարհային պատերազմի նախօրյակին, այժմ էլ թուրքական կառավարողներն

իրենց երկիրը օտարերկրյա իմպերիալիստներին ի սպաս են դրել: Այսօրվա Թուրքիան կառավարողների քաղաքականությունը շատ է հիշեցնում նրանց նախնիների՝ երիտասարդ թուրքերի քաղաքականությունը: Ա. Մնացականյանի գրքում բերված են փաստական ճշեկություն, որոնցից շատերը առաջին անգամ են հրապարակվում, այդ նյութերը ցույց են տալիս գերմանա-թուրքական գործակալների՝ Ռուսաստանի դեմ ուղղած հետախուզիչ գործունեության ձևերը:

Բարեխղճորեն օգտագործելով ձեռքի տակ հղած արխիվային նյութերը, Ար. Մնացականյանը լուսաբանում է իր առաջ դրված պրոբլեմը:

Ներկա աշխատության նպատակն է, — գրում է նա, — ցույց տալ, թե ինչպես էին գերմանական և թուրքական զավթիչները ծրագրում ու նախապատրաստում Կովկասի զավթումը, Կովկասի ժողովուրդների զաղութացումը դեռևս առաջին համաշխարհային պատերազմի նախօրյակին և ինչպես այդ նպատակի համար աշխատող գերմանա-թուրքական ռազմաքաղաքական գործակալները լիակատար ձախողման ենթարկվեցին (էջ 22):

Ա. Մնացականյանի գիրքը բաղկացած է ներածական մասից և յոթ գլխից: Վերջում տրվում է հղակցություն, բերվում է օգտագործված աղբյուրների և արխիվային նյութերի ցանկը:

Ներածական մասում հեղինակը համառոտ կանգ է առնում Թուրքիայի ներկա քաղաքական դրության վրա, ցույց տալով թե ինչպես Թուրքիան ԱՄՆ-ի օգնությամբ ռազմա-քաղաքական հաջողության բազա է դառնում նրա համար:

Գրքում մանրամասնորեն է խոսվում այն մասին, թե ինչ տվին Թուրքիային «Տրումենի դոկտրինը» և այն 100 միլիոն դոլարը, որ

օտացել է Քուրթիան և որը նա ծախսում է ամերիկացիների հսկողությամբ, բացառապես ռազմական նպատակներով: Այդ ռեզնույան արգյունքն ակնհայտ է. Քուրթիան հեղեղվել է ամերիկյան ռազմական և տնտեսական միսիաներով, քաղաքական խորհրդատուներով ու զանազան մասնագետներով: Կրկնվում է այն, ինչ որ մենք տեսանք առաջին համաշխարհային պատերազմի նախօրյակին, երբ դերմանաթիթ, Վ. Ի. Լենինի արտահայտությամբ, Քուրթիային դարձրել էին «... իրենց ֆինանսական և ռազմական վասսալը...»:

Գրքում արված է Քուրթիայի պատմության առանձին փուլերի համառոտ տեսությունը, տրված է նրա տնտեսական և քաղաքական հետամնացությունը. 1906 թվի բուրժուական վերնախավային ռեզոլուցիան ոչինչ չփոխեց և միայն Աթաթուրքը դառնությամբ ստիպված էր հավաստել՝ «Արդ, — ահա այն գրչածայրը, որով գրվում է Քուրթիայի պատմությունը: Այդ հետամնացությամբ է պայմանավորված Քուրթիայի՝ օտարերկրյա պետություններից կախման մեջ լինելու փաստը: Բայց դրա հետ միաժամանակ օսմանյան կայսրությունը երբեք էլ չի հրաժարվել զավթական պլաններից և միշտ էլ երազել է այդպիսի պլաններ: Պան-թուրքիզմի, պանիսլամիզմի իդեոլոգիան թուրքական սուլթանների, փաշաների և ռեսպուբլիկական Քուրթիայի որոշ ղեկավարներին գործիչների այդ խենթ ու խելացի պլանների արդյունքն է: Այդ պլանները սովորաբար աչակցություն են գտել այն իմպերիալիստական երկրներից, որոնք բանալուսն ժամանակներում ուղղություն են տվել Քուրթիայի քաղաքականությանը և նրա օգնությամբ աշխատել են ամրապնդել իրենց դիրքերը Բալկաններում, Մերձավոր և Միջին Արևելքում:

Ա. Մնացականյանը Գրքում է շատ հետաքրքիր փաստաթղթեր, որոնք ցույց են տալիս, թի լիտիության ինչ աստիճանի էին հասել թուրքական իմպերիալիստները, իրենց հափըշտակողական ձգտումների մեջ:

Այդ փաստաթղթերից մեկում, որը երիտասարդ թուրքերը 1914 թվին կոչի ձեռով տարածել էին իրենց զինվորների մեջ, կարդում ենք.

«Մուսուլմաններ, բարձրացնենք մեր ձայներ, և թուրք աչ ձեռքում, հրացանը ձախ ձեռքում, ռումբերը գրպանում, աստծու անունը յուրթերիս, լույսի հավատը սրտերումս, հռչակենք հետևյալ պահանջները.

Հնդկաստանը — Հնդկաստանի մահմեդականներին համար:

1 Վ. Ի. Լենին. Երկեր, ռուս, Իրատ., հատ. 19, էջ 367:

Յավան — Յավայի մահմեդականների համար,

Ալժիրը — Ալժիրի մահմեդականների համար,

Մարոկկոն — Մարոկկոյի մահմեդականների համար,

Քունիսը — Քունիսի մահմեդականների համար,

Եգիպտոսը — Եգիպտոսի մահմեդականների համար,

Քուրանը — Քուրանի մահմեդականների համար,

Բուխարան — Բուխարայի մահմեդականների համար,

Կովկասը — Կովկասի մահմեդականների համար,

Օսմանյան կայսրությունը — օսման մահմեդականների համար... և այլն (էջ 20):

Այս փաստաթուղթը հաստատում է հեղինակի այն միտքը, որ առաջին համաշխարհային պատերազմին Քուրթիան մասնակցեց ոչ միայն և ոչ այնքան, այն պատճառով, որ նրան պատերազմի զորեցին (դերմանացիները), այլև այն պատճառով, որ նա այդ պատերազմում հետապնդում էր իր իմպերիալիստական շահերը:

Հեղինակը իրավացիորեն քննադատում է այն մարդկանց, որոնք ելնելով Քուրթիայի լեզոքության սկզբնական դիրքերից, հակամետ են կարծելու, թե Քուրթիան 1914 թվին պատերազմի մեջ է մտել միայն Գերմանիայի ճնշմամբ:

Գրքի մեջ գտնում ենք Ռուսաստանը նվաճելու պլանը՝ կազմված թուրքական գլխավոր շտաբում, դեռևս 1912 թվին: Քուրթիայի այդ ձգտումները շատ ձեռնտու էին Գերմանիային, որն ուներ իր հաշիվները. ռուսների դեմ Կովկասում ֆրոնտ ստեղծելով որոշ քանակությամբ ռուսական դիվիզիաներ զրադեցնել այստեղ և թուլացնել Ռուսաստանը Արևմտյան ռազմաճակատում: Իսկ ցարական Ռուսաստանը, շնայած 'ի. Պոլիսն ու նեղուցները զավթելու իր իմպերիալիստական ձգտումներին, պատերազմի սկզբում չէր ուզում բաց անել Կովկասյան ֆրոնտը:

Այսպիսով ակնհայտնի է էնվեր-Քալաթ-Ջեմալի երիտասարդ թուրքերի կառավարության իմպերիալիստական զավթողական քաղաքականությունը առաջին համաշխարհային պատերազմի նախօրյակին և հետագայում:

Ներածական մասում Ա. Մնացականյանը ցույց է տալիս այն հրապարակված աշխատությունները, որոնց մեջ այս կամ այն չափով լուսաբանված է գերմանա-թուրքական հետախուզության գործունեությունը Կովկասում:

Գրքի առաջին զլուխը նվիրված է գերմանա-թուրքական իմպերիալիստների Կովկասում ունեցած զավթողական պլաններին:

Այստեղ տրված է գրականության վերլուծություն, մեծ մասամբ գերմանական գրականության. որտեղ զավթողական պլանների մեջ հատուկ տեղ է հատկացված Կովկասին և Մերձավոր Արևելքին:

Առաջին համաշխարհային պատերազմից առաջ պատերազմի գերմանական տեսաբան Ֆալկա—Շուպպան «Ուկրաինան Գերմանիայի համար կամուրջ է դեպի Արևելք» գրքում գրել է.—

«Ուկրաինան և Կովկասը հանդիսանում են այն կամուրջը, որի վրա հանդիպում են Արևմուտքի և Արևելքի կուլտուրաները» (էջ 28):

Գերմանական իմպերիալիզմի իդեոլոգ Ռուրախ-Էդել է Գերմանիայի զաղութային քաղաքականության ներշնչողներից մեկը: Ուրպես Արտաքին գործերի մինիստրության արևելյան բաժնի ղեկավար, իր պաշտոնական ելույթներում նա միշտ շեշտել է Կովկասը, Խուրթիան և Իրանը զավթելու անհրաժեշտությունը:

Նա հայտարարել է — «Հայաստանը իր աշխարհագրական դիրքով... հանդիսանում է այն շիրքի բանալին, որը տիրապետում է Անատոլիայի վրա»: Կովկասը, Թուրքահայաստանը և իրանական Ադրբեջանը հանդիսանում են «պլանցդարմ Փոքր Ասիայի նկատմամբ»:

Մերձավոր Արևելքը, Իրանը և Հնդկաստանը գրավելն անհնարին էր առանց այդ պլանցդարմն ունենալու իր տրամադրության տակ: Այստեղից էլ հետևում էր գերմանական իմպերիալիզմի տենդային նվաճողական քաղաքականությունը Կովկասում:

1907 թվին լույս է տեսել Ռուդոլֆ Մարտինի «Բեռլին Բաղդատ» գիրքը, որտեղ նա բացորոշ կերպով խոսում է Ռուսաստանի հետ տեղի ունենալիք առաջիկա պատերազմի նպատակների և Կովկասում գերմանացիների իշխանության ներքո «Թիֆլիզի փոխարքայություն» կազմակերպելու մասին (տես Տոկար-ժևսկի, Ն. Ա. — «Բազմի բուլղակները որպես գերմանա-թուրքական ինտերվենտների դեմ մղվող պայքարի կազմակերպիչներ Ադրբեջանում, 1913 թվին»): Աշխատություններ ԻՄՆԷ-ի Ադրբ. ֆիլիալի, գիրք 6-րդ, 1947 թ., էջ 9—10):

Այնուհետև Մնացականյանը բերում է գերմանական իմպերիալիզմի իդեոլոգներ՝ ֆոն Հյուցիուսի, Ռոշեր Ռոգբերտուսի, ղոկտոր Նպրինգբերի և ուրիշների կարծիքները արևելքի գերմանական զաղութարարների մտադրությունների մասին:

Բայց գերմանացիները ոչ միայն պրոպագանդա են սնում արևելքում տիրապետություն հաստատելու իրենց զավթողական իդեաները, այլև այդ ուղղությամբ կոնկրետ քայլեր են նախաձեռնում: Նրանց գործունեությունն արևելքում ակտիվանում է 19-րդ դարի 2-րդ կեսին: Ուսունական թվականներին նրանք ստանում են Թուրքիայում առաջին կոնցեսիաները, զխավրապես երկաթուղային շինարարությունը (Հայդար Փաշա—Իզմիր, իսկ այնուհետև մինչև Անգարա): 1903 թվին Թուրքիայի հետ ստորագրվել է Բաղդադի երկաթուղու շինարարության կոնվենցիան: Դրանից հետո գերմանացիները տենդային գործունեություն են ուկտում ոչ միայն այդ ճանապարհի շինարարության մեջ (առաջին վարիանտով ճանապարհը պիտի անցներ Տաճկահայաստանի տերիտորիայով դեպի Պարսից ծոցը), այլև ամրացնում են Խուրթիայում իրենց դիրքերը և աստիճանաբար, դուրս են մղում անգլիացիներին և ֆրանսիացիներին:

1903 թվի ունուցիայից հետո, երբ երիտասարդ Թուրքերը, որոնք վարում էին գերմանոֆիլ քաղաքականություն, անցան իշխանության զլուխ, համաշխարհային առաջին պատերազմի նախօրյակին հաստատվեց Թուրքիայում գերմանացիների քաղաքական տիրապետությունը: 1913 թվի դեկտեմբերին Թուրքիա ժամանեց գերմանական բազմական միսիան՝ գեներալ Հիման ֆոն-Պանդերսի զխավրությանը. վերջինս և գերմանական դեսպան Վազենհայմը իրենց ձեռքը վերցրին Թուրքիայի քաղաքականության լիակատար կոնտրոլը թե՛ պատերազմի նախօրյակին և թե՛ պատերազմի տարիներին:

19-րդ դարի վերջին գերմանական իմպերիալիզմը սկսեց Իրան ներթափանցելու իր փորձերը: Պատերազմի նախօրյակին գերմանացիները այստեղ էլ ձեռք բերին որոշ հաջողություններ: Հայտնի է, որ 1905—1911 թ. թ. իրանական ռևոլյուցիան պարտություն կրեց և դրանում փոքր դեր չխաղացին անգլիական և ռուսական զորքերը: Դրա հետևանքով Իրանի բնակչության որոշ խավերում ստեղծվեցին հակաանգլիական և հակառուսական տրամադրություններ: Գերմանացիները բավական հմտորեն օգտագործեցին այդ տրամադրությունները, աշխատելով ամրացնել իրենց դիրքերը:

Ռևոլյուցիայի պարտությունից հետո մի քանի վտանգի լիդերներ գաղթել էին Բեռլին. որտեղ և ստեղծվել էր իրանական «գեմոկրատների կոմիտեն», որը դարձել էր գերմանական հետախուզության գործակալություն: Հենց պատերազմի նախօրյակին Իրանի դեմոկրատները հանդես եկան որպես գերմանա-թուրքական

րիենտացիայի կողմնակիցները Գերմանացիներին մեծ օգնություն ցույց տվեց իրանական ժան-բարմերիան, որի ղեկավարներն էին շվեդական և պաներո: Գերմանացիներն օգտագործում էին Իրանի դժգոհ ցեղերին, զինելով նրանց և ուղ-պություն տալով նրանց գործունեությունը, ընդ-դեմ ռուսների և անգլիացիների: Գերմանական իմպերիալիզմի գործակալներ էին Իրանի մի քանի բարձրաստիճան անձնավորություններ, ինչպես, օրինակ՝ պրինց Սալաթ-էդ-Դոուլեն իրանական ներքինիքում, որը աշխատում էր միացնել զանազան ցեղեր (հատկապես շահ-սեփաններին) և դուրս բերել նրանց Ռուսաս-տանի դեմ: (Տես Տ. Կորոտկովա— Գերմանա-թուրքական ներխուժումը Իրանական Աղբյու-րան. „Вопросы Истории“, № 1, за 1948 г.):

Գերմանական իմպերիալիստների պլաննե-րով Իրանը ինչպես առաջին, այնպես և երկ-րորդ համաշխարհային պատերազմի ժամանակ պետք է պլանավորվի դեռ խաղար Անդրկովկա-սի և մասնավորապես Բաքվի վրա հարձակում գործելու համար: Այդ նպատակով ստեղծվել էր գործակալների մի մեծ ցանց և մշակվել Ռուսաստանի դեմ ուղղված դիվերսիայի պլան:

Այդպիսով՝ Ռուսաստանի դեմ մղվող պա-տերազմում գերմանական իմպերիալիստները օգտագործում էին թուրքական և պարսկական «եակցիան»՝ պլանավորվելու նախապատրաստելով հարավից՝ Ռուսաստանի վրա հարձակվելու հա-մար:

Արևելքը զավթելու ընդհանուր պլանի մեջ, ինչպես արդեն նշվել է, Կովկասն իր հատուկ տեղն էր գրավում: Այստեղ էլ ծավալվել էր մեծ լրր-տեսական-գիվերսիայի աշխատանք, և բոլոր բնա-պավաններում տարվում էր լայն հետախուզու-թյուն: Այդ բոլոր հետախուզական աշխա-տանքները ղեկավարում էին Գերմանիայի դես-պանատներն ու հյուպատոսարանները Թուրքիա-յում, Իրանում և Կովկասում: Այդ ընդարձակ լրտեսական-հետախուզական գործունեության կենտրոնը գտնվում էր Կ. Պոլսում և ղեկա-վարվում էր գեներալ Լիման-ֆոն-Անդերսի, գերմանական դեսպան Կազենհայմի և թուրքա-կան ռազմական միևիստր էնվեր Փաշայի կողմից: Մերձկովկասյան մատույցներումն էր գտնվում էրզրումի կենտրոնը, գերմանական հյուպատոս էդգար Անդերսի գլխավորությամբ, որն ուղղություն էր տալիս հետախուզական աշխատանքին Տուրքմենիստանի ուսյուններում: Հենց նույն է. Անդերսը կապեր էր ստեղծել Կ. Պոլսի և Թիֆլիսի գերմանական շախմատի և հետախուզության կենտրոնների միջև: Թիֆ-լիսում, որը գերմանացիների հետախուզական ծառայության խոշոր կենտրոնն էր, այդ աշ-

խատանքը գլխավորում էր գերմանական գլխա-վոր հյուպատոս գրաֆ Եուլենբուրգ ֆոն Բեր-գր: Նրա մերձավորագույն զինակիցներն էին Թիֆլիսի թուրքական հյուպատոս Մունիր Սու-րիա բեկը, Կարսի հյուպատոս Ջեմալեդդին բե-կը և վերջինիս չարտուղար Հասան բեկը: Թիֆ-լիսի հետախուզական կենտրոնը կապեր ուներ Իրանի, Կիևի և Պետերբուրգի կենտրոնների հետ: Ռուսաստանում այդ ամբողջ աշխատանքը գլխավորում և ղեկավարում էր Պետերբուրգի գերմանական դեսպան Պուրտալան:

Այդ ամբողջ աշխատանքը, որ պահան-ջում էր մեծ ծախսեր, շատ մարդիկ ու ժամա-նակ, նպատակ ուներ զավթելու և ստրկացնելու Կովկասը, Մերձավոր Արևելքը և եթե հաջողվե՛ր՝ նվաճելու նաև Ռուսաստանը և Արևելքի մյուս երկրները:

Մերկացնելով գերմանական և Անտանտի իմպերիալիստների նենգամիտ պլանները Արե-վելքում, ընկեր Ստալինը գրում էր 1918 թ., որ իմպերիալիստներին հարկավոր են ոչ միայն Արևելքի հարստությունները:

Նրանց հարկավոր է,— գրում է ընկեր Ստալինը,— այն «հնազանդ» մարդկային նյութը, որով հարուստ են Արևելքի գաղութ-ներն ու կիսագաղութները: Նրանց հարկավոր էն «հարմարվող» ու լծան քանվորական ձեռ-քեր» Արևելքի ժողովուրդներից: Նրանց հար-կավոր են բացի դրանից, «հնազանդ» «երիտա-սարդ տղաներ» Արևելքի երկրներից, որոնց «չարքերում» նրանք այսպես կոչված «գունավոր» գործեր են հավաքագրում և որոնց նրանք չեն հապաղի գործի դնել «իրենց իսկ սեփական» ունուցիչին բանվորների դեմ:

Այդ նպատակներին հասնելու համար իմ-պերիալիստները ոչինչ չեն խնայել և չեն էլ խնայում:

Ար. Մնացականյանի աշխատանքի երկրորդ գլուխը նվիրված է գերմանական գաղութների և ֆիրմաների՝ Կովկասում ունեցած դերին, որոնք հանդես էին գալիս որպես լրտեսական գործունեության բաղանջ:

Գերմանական գաղութները Կովկասում ե-րևան են եկել 19-րդ դարի սկզբին: Օղեսայում 1810 թվին գեներալ Իզնովի գլխավորությամբ կազմվել է մի հանձնաժողով, որը պետք է դրադվեր Կովկասի առանձին շրջանները գեր-մանացիներով բնակեցնելու խնդրով: Երմովի բարեհաճ վերաբերմունքով, որը հանձնեա գեր-մանացիների տեսնում էր կուլտուրտեղեցիներ և էյեմենտներ, որոնք ցույց են առնիս տնտեսու-

թյան վարելու օրինակելի ձեր, ստեղծվել էին առաջին գաղութները: Կրկնիստները անվերադարձ կերպով ստանում էին 500 ուրբի և 30-ից մինչև 60 հեկտար անվարձ հող, հենք միանգամից էլ ստեղծում էին կուլակային ամուր տնտեսություններ: Շուտով նրանք տեղական բնակչությանն սկսեցին շահագործել որպես բատրակների: Ինչ վերաբերում է «օրինակելի» տնտեսություններին, ապա վերջիններս մնացել էին որպես փակ տնտեսություններ և գոյություն ունեին սոսկ կոլոնիստների համար:

Գերմանական կապիտալիստները թափանցել էին Կովկասի արդյունաբերության մեջ: Արդեն 19-րդ դարի վերջում երևան էին եկել գերմանական առաջին արդյունաբերական ձեռնարկությունները, հատկապես Բաքվում, Ճիսթուրում՝ որտեղ մարզանեց էին արդյունահանում և Ալավերդու պղնձահանքերում: Այսպես, 1893 թվին «Դոյչե րանկ-ի մասնակցության» ստեղծվել էր «Deutsch-Russische Naphta Import Gesellschaft» որը նաև էր արտահանում Գերմանիա: Վերջին եղբայրների ընկերության մեջ 1912 թվին մասնակցում էր գերմանական վարկային ընկերության ներկայացուցիչը: Համաժողովում 1913 թվին ստեղծվել էր գերմանա-ռուսական ընկերություն, որը կապ ուներ խոշոր նավթարդյունաբերող Հիանոդովի հետ: Բաքվում ստեղծվել էր նավթային խոշոր ընկերություն «Ռիպպման-Ռուստ», որն իր բաժանմունքներն ուներ ամբողջ Ապշերոնում:

Կարելի է նավթարդյունաբերության և արդյունաբերության մյուս էությունների գերմանական կապիտալիստների տերերի կամ բաժնետերերի բազմաթիվ անուններ տալ, որոնց ձեռնարկությունները գտնվում էին Բաքվում, Բաթումում, Ճիսթուրում և Ալավերդում: Գերմանացիներին հաջողվել էր զավթել ռազմական արդյունաբերության մի այնպիսի կարևոր էություն, ինչպիսին վառոցի արտադրությունն էր: Վառոցի արտադրության և վաճառքի ընկերության կենտրոնը գտնվում էր Ինդիկում, իսկ բաժանմունքները՝ Պետերբուրգում, Քիֆիսում և մյուս քաղաքներում: Ընկերության գլուխ էր կանգնած գերմանացի կապիտալիստ Բեցր. վերջինս կապ ուներ բաժանմունքների ղեկավարների հետ, որոնք նույնպես մեծ մասամբ գերմանացիներ էին: Գերմանական գործակալները փորձում էին ներթափանցել արդյունաբերության բոլոր ծակոժուկները, ամենուրեք կապ պահպանել ոչ միայն կենտրոնի, այլև պրովինցիայի հետ: Նրանք կասուցում էին ֆաներային ճարտիկաներ, գորգի գործարաններ և այլն:

Այնտեղ, որտեղ նրանց չէր հաջողվում կազմակերպել, ստեղծել, գլխավորել, նրանք

դառնում էին աշխատակիցներ, դիրեկտորներ, ինժեներներ և այլն:

Տնտեսական նպատակներից բացի, այդ բոլորը հետապնդում էին նաև քաղաքական նպատակներ: Գերմանացիները ամենուրեք դադարվում էին լրտեսության մեջ, ուսումնասիրում էին տեղի ուլյեֆը, միջավայրը, հարստությունը, ճանապարհները, ազգաբնակչության կյանքը, կենցաղը և այլն: Նրանց համար հեշտ էր որպես մասնավոր մարդիկ՝ գործարանատեր, ինժեներ, մի խոսքով՝ որպես «գործարար» անհատներ, լինել ամեն տեղ, հարցնել ամեն բանի մասին: Նրանց մեջ հատուկ տեղ էին զբաղում զանազան առևտրական ֆիրմաների ներկայացուցիչները: Այդ ֆիրմաները երկրի գլխավոր քաղաքներում և կենտրոններում պարտադիր կերպով բաց էին անում իրենց բաժանմունքները: Պատերազմի նախօրյակին Քիֆիսում կազմակերպված Կիլկինի և ընկերների վարկային բյուրոն միավորում էր Քիֆիսի խոշոր վաճառական-մանուֆակտուրիստ Բրեմերին, բազմաթիվ ծաղկավաճառ խանութների տեր Մայերին և ուրիշների: Այդ մարդիկ սերտ կապ էին պահպանում Գերմանիայի հետ: Նրանց մոտ Գերմանիայից գալիս էին զանազան հայուհիներ, որոնք թրև էին գալիս հասարակական վայելքում, խոսակցություն էին բաց անում ղեկավարական ծառայողների, ներկառնականների հետ: Գերմանական խոշորագույն բանկիր Կիլկինը միլիոնների շահույթ ստանալով, մեծ գումարներ էր հատկացրել լրտեսության և հետախուզության աշխատանքների փառ: Գերմանական գլխավոր շտաբին քիչ ծառայություն չէր ցույց տալիս նաև «Ջիկեր» կարի մեքենաների հուշակավոր ընկերությունը, որն իր բաժանմունքներն ուներ համարյա թե Ռուսաստանի բոլոր քաղաքներում:

Այդ ընկերության կառավարիչ Բորիս Էլլստան ութ տարի աշխատում էր Կովկասում: Իր մեքենաները վաճառելով, նա միաժամանակ որպես «սիրող» նկարահանումներ էր անում: Երջագայություններից վերադառնալով Քիֆիս, անպայման լինում էր հոն Շուլենբուրգի կամ նրա քարտուղար Լեբցի մոտ:

Գրեխ մեջ բավական մանրամասն նկարագրվում են թե այդ ընկերության և թե՛ ուրիշ առևտրական ու արդյունաբերական միավորումների ու փոխադրական ընկերությունների ազենտների գործերը:

Ինժեներ-երկրաբան Յուլի Կարլովիչ Ֆոն Շմիդելը երկար ժամանակ աշխատում էր նավթ հայտաբերելու համար, գլխավորելով իր իսկ ստեղծած «Գուրիայի» նավթային սինդիկատը: Սև ծովի ափին Սինդիկատն իր հողերը բաժանել էր 12 ընկերությունների և Գերմանիայից

կանչել համապատասխան քանակությամբ ժամանագետներու Այդ յրտեսական բուեր գրեթե 3 տարի գործում էր 1914 թվի հուլիսին ժանդարմական վարչությունը գիշերային հանկարծակի խուլարկության հետևանքով մերկացրեց Շմիդելին որպես խոշոր լրտեսի, ծովային սպայի և գերմանական գլխավոր շտաբի աշխատակցի։ Նրա մոտ հայտաբերվեցին ռազմական տոպոգրաֆիական քարտեզներ, սխեմաներ, ծովափի ուղեքնդ և ուրիշ այլ և այլ փաստաթղթեր։ Հետախուզական նպատակներով օգտագործվում էին գերմանական գիտական և կուլտուր լուսավորական հիմնարկությունները։ 1913—1914 թվերի ընթացքում ցարական կառավարության և սեզական իշխանությունների թույլտվությամբ Անդրկովկասի և այլ վայրերի բնությունը, ուղեքնդ, հողը, ջուրը, ժողովուրդների կյանքը, կենցաղն ու կուլտուրան ռուսումնասիրելու համար Կովկաս է գալիս գերմանական գյուղատնտեսական ընկերության էքսպեդիցիան, որը շրջադայում է Սև ծովի ամբողջ ծովափը։ մեկնում Ռազմավիրական ճանապարհով և լինում Հայաստանում։ էքսպեդիցիայի մեջ են լինում Վերանկֆուրտեր Ցայտունգ քերթի թղթակից ղոկտոր Վալտեր Վելբելը, փիլիսոփայության ղոկտորներ Հուլիոս Կոմարեկին և Հենրիխ Վեսելովը, Վիեննայի արվեստի պատմության ինստիտուտի ղիրեկտոր Իոսիֆ Ստրոգոմուսկին, փիլիսոփայության ղոկտոր Ա. Կուլդինը, Մյունխենի համալսարանի ղոցենտներ Բուլմիստրը, Դիստելը և Բուշը, Բեռլինի Ակադեմիայի անդամ-թղթակից Անդրուսովը և ուրիշ շատ շատերը, ըստ որում հայտնի է, որ այդ գիտնականները ռազմասյրատեգիական բնույթի նկարահանումներ են արել, նկարահանել են ռազմական նշանակություն ունեցող օբեկտներ, ուսումնասիրել են Հանապարհները, կամուրջները, երկաթուղային կայարանները և վերջին հաշվով հավաքել են յրտեսական-հետախուզական բնույթի նյութեր։

Այս բոլորը հաստատվում է օխրանկայի (պահնորդական բաժանմունքի) կամ գինվորական իշխանությունների համապատասխան տվյալներով։

Ճուրիստներ և օլիտնականներ Կուրիցերը, Ֆրից Միլերդը և Յոզեֆ Դերտմանը ուսումնասիրում էին Թուրքահայաստանը (վերջինս գերմանացիների հատուկ ուշադրությանն էր արժանացել։ Աշխատել նրանք ցանկություն են հայտնում բարձրանալ Մասիսի գագաթը, Արագածի գագաթը, որոնք իբր թե բանմալելի էին տեղացիների համար։ Վերահիշյալ գերմանացիները պարտավորաբար կապ էին պահպանում թուրքական և գերմանական հյու-

պատոսությունների, ղեսպանությունների, առգական գործակալների և ղեզիղենտների հետ։ Դերմանական ղիպլոմատիայի օրգաններխնդրում են գերմանական և ավստրիական շտաբների շորս սպաների հետաքրքրությունը բավարարել և թույլատրել նրանց ուսումնասիրելու հանքային ղրերն ու Կովկասյան կուրորտները։ Ահա հենց այդ սպաները, մատիտներով ու ֆոտոապարատներով ղինված, նժույգների վրա նստած Կիսլովոդսկից ճանապարհվում են Հանքային ղրերը, էսենտուկի և մյուս կուրորտները, ղրուցելով ճանապարհին իրենց հանղիպող տեղական բնակիչների հետ։ Այնուհետև նույն սպաները Վլադիկավկազով գալիս են Թիֆլիս, ալետեղից էլ մեկնում Բորժոմ, Բալուրիանի, Բութայիս, Բաթում։

Գերմանական ղիպլոմատները խնդրել են թույլ տալ ստորոգ որսորդ լեյտենանտ էրիկ Բերինղին, որ նա Կովկասի լեռներում որսորդությամբ ղքաղվի։ Վերջապես կարճ ժամանակից հետո Կովկասում երևան է եկել տուրիստ սպա էմանուել Լակոնը, որը եորոշել էր երկրագնղի շուրջը ճանապարհորդություն կատարել ոտրով։ Դիտենալով ուսներենը և Կովկասյան լեզուները, Լակոնը Ջուլֆայի վրայով մեկնել է Երևան, Երևանից Ալեքսանդրոպոլ, Կարս, Ախալքալաք, և այղպիսով հասնելով մինչև Սև ծով, Գրոգնի, մտել է Բաքու, Թիֆլիս, իսկ այնուհետև ահետացել է։ Շատեր այն կարծիքին են եղել, որ Լակոնը Հեռավար Արևելքով ճանապարհվել է ժապոնիա։

Գրքում հետաքրքիր տվյալներ են բերված, որոնք ցույց են տալիս ղանազան էքսպեդիցիաների և էքսկուրսիաների աճը առալին համաշխարհային պատերազմի նախօրյակին։ Այսպես օլինակ՝ 1909 թվին Կովկաս են եկել 5 խումբ էքսկուրսանտներ, 1910 թվին՝ 8, 1911 թվին՝ 13, 1912 թվին՝ 16, 1913 թվին՝ 21, և 1914 թվի առալին կիսամյակում (մինչև պատերազմն սկսվելը) 27 էքսկուրսիոն ճանապարհորդական խմբեր։

Ահա այսպիսին է գերմանացիների Կովկասում ունեցած հետախուզության և ղպիտնափաղրյուրներից մեկը։

Ա. Մնացականյանի աշխատանքի ղորրորդ գլխում ցույց է տրված գերմանական և թուրքական քաղաքական պրոպագանդան Կովկասում, լրաղիրների, ղպրոցների, եկեղեցիների և ղանազան կուլտուրական կազմակերպությունների օգտագործումն այդ նպատակով։

Այդ պրոպագանդայում հատուկ ղեր լսաղացել գերմանական հետակաղիշե պոստալաքաթաթերը, որը յույս է տեսել 1906-ից մինչև 1914 թ. և փակվել է միայն 1914 թվի օգոստոսի 17-ին, պատերազմն սկսվելուց հետո։

ժուռնալը պաշտոնապես մասնավոր մարդկանց օրգան համարվելով, փաստորեն կապված է եղել Թիֆլիսի գերմանական հյուպատոս Ֆոն-Շուլենբուրգի հետ և նպաստ է ստացել կառավարության կողմից: Հրատարակիչները գերմանական հետախուզության հետ կապված մարդիկ են եղել: Նրանցից մի քանիսը գերմանական այլև այլ կազմակերպությունների գործունեությանը ուղղություն են տվել. օրինակ՝ 1912 թվի սկզբում ժուռնալի հրատարակիչ է դարձել Իոհաննես Շլեյխերը, վերջինս իր ձեռքում կենտրոնացրել էր գերմանական «Դոյչեր Ֆերայն» ակումբի, Թիֆլիսի գերմանական «Լուքսերական եկեղեցու», եկեղեցուն կից «Գերմանական դպրոցի» և «Գերմանացի Ուսուցիչների Միության» ղեկավարությունը: Շլեյխերը եղել է խորամանկ գործարար, փորձված հետախույզ: Նա իր օրգանի միջոցով հայտարարել է «Սոսոկազիչ» պոստա ժուռնալի նպատակն ու խնդիրները, որոնք հանգում են հետևյալին.

«Ուղղություն տալ անցյալ դարի սկզբներում Վյուրտեմբերգից Կովկաս ներգաղթած գաղութարարներին, որպեսզի նրանք սրբությանը կատարեն իրենց նախորդների պատգամներն ու պահպանեն իրենց տրադիցիաները: (Ուսաթանել Կովկասում գերմանական կյանքը: Կովկասում տարածել գերմանական քաղաքակրթությունը. պահպանել գերմանական լեզուն և այն տարածել Կովկասում. պրոպագանդա անել լուքսերական կրոնի գաղափարները. ազգային հարցի շուրջը ժուռնալի խնդիրն է՝ ուղղություն տալ գերմանական ֆերայներին (ընկերություններին), որոնք կազմված են գերմանացիներից և ապրում են հայրենիքից հեռու, որպեսզի նրանք հետևեն գերմանական ազգային տրադիցիաներին, պահպանեն գերմանական կազմը... Գերմանական կուլտուրայի տիրապետությունն ամենուրեք մեր իդեալն է» (էջ 81):

Ուսսիզմի և շովինիզմի ոգով ներծծված գերմանական իմպերիալիզմի այդ ծրագիրը Շլեյխերը և նրա քարեկամները իրագործում էին իրենց ձեռքի տակ ունեցած բոլոր միջոցներով: Նրանք քաջահայտ լկտիությանը քարոզում էին գերմանական ազգի առավելությունները և դատապարտում «գերմանական ոգուց» հեռացող գերմանացիներին: «Այն գերմանացին, որը սլավոնանում է, նա ստորագույնն է, ասում էր Շլեյխերը իր հոլովներից մեկում (էջ 83):

Կովկասում պրոսայականության օջախներ էին գերմանական դպրոցները: Վերջիններիս համար ամեն ինչ ուղարկվում էր Գերմանիայից. այդտեղից ուղարկվում էին ուսուցիչներ,

դասագրքեր, ծրագրեր: Ի դեպ՝ ուսուցչի երկրորդ պրոֆեսիան նրա հետախույզ-լրտեսի աշխատանքն էր: Գերմանական ուսուցիչները որպես գերմաներեն լեզվի դասատուներ, թափանցում էին շինովնիկների, զինվորական ծառայողների տները և այնտեղ հետախուզական աշխատանք էին կատարում: Թիֆլիսում նրանք ունեին իրենց ընկերությունն ու կենտրոնը, ի դեմս գերմանական «Դոյչեր Ֆերայն» ակումբի: Գերմանական հետախուզությունն օգտագործում էր նաև լուքսերական եկեղեցիները, վերջիններիս պատոնատար անձանց, որոնք զտնվում էին Թիֆլիսում և Կովկասի բոլոր գաղութներում: Հիշված եկեղեցիների ամբողջ գործունեությունը (այդ թվում և հետախուզական աշխատանքը) ղեկավարելու և կոորդինացիայի ենթարկելու համար Կովկասում ստեղծվել էր Սինդո Վերջինս անհրաժեշտ պրոպագանդա էր անում, կոլոնիստների մեջ հանգանակություն էր կատարում գերմանական բանակի օգտին և աշակցություն էր ցույց տալիս գերմանական հետախույզներին: Սինդոն անմիջական կապ էր պահպանում գերմանական զբաղվող շտաբի հետ:

Թուրքական գործակալներն էլ իրենց աշխատանքի մեջ զանազան ուղիներ էին օգտագործում հետախուզության և լրտեսության իրենց գերմանացի կոլեգաների օրինակով: Իրենց պրոպագանդայում նրանք աշխատում էին օգտագործել Կովկասյան ժողովուրդների ազգային և կրոնական զգացմունքները, սրել նրանց և՛ իրար դեմ և՛ ռուսների դեմ: Այդ նպատակին էր ծառայում «Թուրք-պարսկական բարեգործական ընկերությունը», որի կենտրոնը գտնվում էր Թիֆլիսում, իսկ բաժանմունքները՝ Խաթվում, Սրևանում, Գյանջայում, Բաթումում և Անդրկովկասի մյուս քաղաքներում: Ընկերությանը աշակցություն էր ցույց տալիս Թիֆլիսի Թուրքական դպրոցը, որտեղ դասավանդում էին Թուրքիայից եկած դասատուները, դպրոցում սովորում էին այնտեղից ուղարկված ձեռնարկներով և ղեկավարվում էին Կ. Պոլսից ստացված ծրագրերով:

Դասագրքերի մեջ հրամցնում էին պաթուրքիստական և պանիսլամիստական ոգով ներշնչված նյութեր: Ընկերության կից գործող դպրոցի ուսուցիչներից ստեղծվել էր դրամատիկ խմբակ, որը հաճախ «զաստրոլներ» էր կազմակերպում Կովկասի մուսուլմանական զանազան ռայոններում, ըստ որում այդ զաստրոլները երկու տեսակ խնդիր էին կատարում. մուսուլմաններին մեջ առնելով էին բորբոքում «անհավատներին» դեմ, և հավաքում էին ռազմական քնույթի տեղեկություններ, որոնք

հետո տրվում էին Քիֆլիսի թուրքական հյուպատոս Մուսիր Սուրիա բեկին:

Ար. Մնացականյանի աշխատանքի հինգերորդ և վեցերորդ գլուխները նվիրված են գերմանա-թուրքական գործակալության Քիֆլիսի և էրզրումի կենտրոնների գործունեությանը: Իրանց գործունեությունը հատկապես կենդանացել էր 1913—1914 թվերին: Աշխատանքը կողորդինացիայի էին ենթարկում Քուրդիայում եստած գերմանական գեներալները՝ Լիման Ֆոն Սանդերսը, որը թուրքական բանակի փաստական ղեկավարն էր փաշայի տիտղոսով, և թուրքական գլխավոր շտաբի պետի տեղակալ (պետը էնվեր փաշան էր) գեներալ մայոր Բրոնսարտ Ֆոն Շելենդորֆը: Էնվեր փաշայի ակտիվ աջակցությամբ նրանք մշակում էին Քուրդիայի՝ Ռուսաստանի վրա արշավելու և Կովկասյան ֆրոնտը բաց անելու ստրատեգիական տլանները: Նրանց նպատակն էր գավթել Կովկասը, Ղրիմը և Միջին Ասիան, քանի դեռ Ռուսաստանը զբաղված էր Արևմուտքում: Ռազմական գործողությունների այդ պլանները աչքի էին ընկնում իրենց ցնորամոլությամբ: Այդ պլաններով նախատեսվում էին ռուսական ռազմաճակատի ճեղքվածք առաջացնել Արդահան—Սարիղամիշ—Ուրմիա գծով, գավթել Անդրկովկասը և Հյուսիսային Իրանը, դուրս գալ Անդրկասպիա՝ գավթել Միջին Ասիան, ինչպես և թաթարներով բնակեցված Մերձվոլգյան և Ուրալի ռալոնները, «սրբազան պատերազմի» ներգրավել Դաշեն ու Ավդանստանը և նրանց «գնություն» մուտք գործել Հնդկաստանի մուսուլմանական ռալոնները: Այդ ցնորամոլ պլանի հեղինակների կարծիքով թուրքական զորքերը կարող էին հաջողությամբ առաջ շարժվել «եպ հարավ, գրավել Սուեզը և ոտքի կանգնեցնել Նգիպտոսի և Հյուսիսային Աֆրիկայի մուսուլման ժողովուրդներին» Պանթուրքիստ էնվերի այդ հիվանդոտ երևակայությանը գերմանական գեներալներն իհարկե կասկածատորեն էին վերաբերվում:

Լիման Ֆոն Սանդերսը իր օրագրի մեջ գրի է առել էնվեր փաշայի հետ տեղի ունեցած մի խոսակցությունը նրան Կովկասյան ռազմաճակատ ուղարկելուց առաջ:

«Մեր խոսակցության վերջում, նա (էնվերը) արտահայտեց ինձ մոտ, բոլորովին ֆանտաստիկ՝ բայց հետաքրքիր մտքեր: Նա ասաց, որ այնուհետև նա մտադիր է Հնդկաստանի և Ավգանստանի վրա գնալու: („Вопросы истории“, № 1, 1948 г. стр. 88).

Այսպես թե այնպես, թուրքական երեսուսած նացիոնալիստ-իմպերիալիստի այդ տխորժակ միանգամայն համապատասխանում էր գերմանացիների շահերին: Թուրքերն ու

գերմանացիները այդ պլանների մեջ հատուկ նշանակություն տալով Կովկասին, այնտեղ ծավալեցին ահտիվ հետախուզական և դիվերսիոն գործունեություն: Մի այդպիսի գործունեության խոշոր կենտրոն էր Էիֆլիսը, որտեղ ամբողջ աշխատանքը, ինչպես վերևում հիշվեց, ղրդխավորում էր գրաֆ Շուլենբուրգը: Վերջինիս օգնում էին Թուրքիայի հյուպատոս Մուսիր Սուրիան, Ավստրիայի հյուպատոս Ուրբանսը և լվեյցարիայի հյուպատոս կոմս Դրայսենֆելսը:

1913 թվի սկզբին Շուլենբուրգի նախաձեռնությամբ ստեղծվել էր «Ավստրո-գերմանական միացյալ լեռնային ակումբ», որը փորձում էր տեղացիների համար կազմակերպել «օրինակելի տնտեսություններ»: Այդ նպատակով գերմանացիները Անոթ բերին հողամասեր: Ակումբը Գերմանիայից տուրիստներ և եղիտական աշխատողներ: Էր հրավիրում հետախուզական նպատակներով: Ավստրո-գերմանական լրտեսների ապաստարան էր Քիֆլիսում գերմանացի Բիխտերի «լեռնոն» կոչված հյուրանոցը: Իրենց գերմանացի այդ տան անունը դրել էին «տեսություն» տուն: Գրքում «բավականաչափ փաստական նյութ է՝ բերվում, որը հաստատում է «լեռնոն» հյուրանոցի տեսության վայր լինելու նպատակը: Լրտեսական կազմակերպություն էր ստեղծված նաև Կովկասյան թանգարանում՝ վերջինիս դիրեկտորի տեղակալ Շմիդտի ղեկավարությամբ: Այդ կազմակերպությունը մյուսներից ավելի երկար ապրեց և լվկվիդացիայի ենթարկվեց միայն 1916 թվին:

Յոն Շուլենբուրգը հետախուզական աշխատանքն անց էր կացնում ինքնուրույն գործող ագենտների միջոցով, որոնք ցրված էին ամբողջ Կովկասով և անձամբ կապ էին պահպանում նրա հետ: Դրանց թվումն էր «ուսուցչուհի» Մարիա Վուֆր, «Կաուկազիշ պոստա ժուռնալի» հրատարակիչները: Ալեքսանդր Մոսկերը, ոտքով շուրջերկրյա ճանապարհորդություն կատարող էմանուիլ Լակոնը և ուրիշները: Նրանցից մի քանիսը պատերազմն սկսվելուց հետո թաքնվել և անցել էին Գերմանիա, իսկ ուրիշները՝ (Լակոնը) բանտարկվել էին:

Հետախուզական աշխատանքներ անցկացնելիս գերմանացի հատկապես հաշվի էին առնում Կովկասի բնակչության բազմաթիվ ազգերից կազմված լինելը: Նրանք մուսուլմանների մեջ վատ չէին օղտադործում թուրքական գործակալներին:

Ա. Մնացականյանը ճիշտ է նկատում, որ

«Թուրքական լրտեսները համեստաբար գնալով գերմանական հետախույզների ղեկավարության ներքո և կատարելով նրանց առաջադրանքները, նպաստեց ունենալ օգտագործել գերմանացիներին իրենց պանթուրքիստական

ագրեսիվ պլանները կատարելու համար (էջ 120)։ Իրենց տեղերից առաջադրություններ ստանալով, թուրքական գործակալներն աշխատում էին Կովկասի մուսուլմանական բուրժուազիաներում, նաև Իրանում։ Նրանց մեջ աչքի էր ընկնում Կարսի թուրքական հյուպատոսության քարտուղար Հասան բեկը, որը համարյա թե ամբողջ ժամանակ գտնվում էր Քիֆլիսում։ Հասան բեկը երբեմն գնում էր Կովկասի զանազան շրջանները, ինչպես և Իրան։ Այստեղից նա Շուլենբուրգի միջոցով ռազմական և քաղաքական ռևույթի, ինչպես և Կովկասի իրադրությանը վերաբերող տեղեկություններ էր հաղորդում թուրքական գլխավոր շտաբին։ Ռեյխարների գեոլոգներն անվան տակ Կովկասում ճանապարհորդություններ էին կատարում զբոսաշրջական շտաբի սպաներ Ռեֆատ բեկը և Մուսաֆա էֆենդին։ Վերջիններս Հասան բեկի հետ միասին հետևում և տեղեկություններ էին տալիս Կովկասում եղած զորքերի տեղափոխությունների, նրանց կազմի, տեխնիկայի մասին և այլն։

1913 թվի ամառը, Կովկասյան շրջանի հետախուզական ռաժիոն հատուկ զեկուցագրով հայտնում էր թուրքական 44 գործակալների մասին, որոնք աշխատում էին Կովկասում և կապ էին պահպանում Քիֆլիսի, Կարսի, Բաթումի, Իկդահանի և Իրևանի կենտրոնների հետ։

Գերմանա-թուրքական գործակալների բուրժուազիականությունները կենտրոնանում էին Քիֆլիսի գերմանական հյուպատոսարանում։ Այստեղ և Շուլենբուրգի տանը կատարված խուզարկությունը շատ բաներ բացահայտեցին։ Պարզվեց, որ Շուլենբուրգը զեկուցագրեր է ուղարկել Ռեդին, Պետերբուրգ՝ գերմանական դեսպանին և Կ. Պոլիս՝ Վազենհայմին, Սանդերսին, էնվերին։ Իրևան հանված փաստաթղթերը լիովին պիմակազերծ են անում Շուլենբուրգին որպես հետախուզության գործակալի։ Զորքերի դիտակցության և առաջխաղացումը նկարագրող և զանազան ուրիշ տեղեկություններ պարունակող փաստաթղթերից բացի, Շուլենբուրգի արխիվում գտնվել էին Կովկասի երկու մեծ քարտեզները և 42 թերթերից բաղկացած մի քարտեզ-ալբոմ։ Բավականաչափ հետաքրքիր էին նաև Շուլենբուրգի՝ Ռեդինից ստացած դիրեկտիվները։ Վերջիններս բացահայտում էին 'Գերմանիայի' Ռուսաստանում ունեցած ագրեսիվ նպատակները, ցույց են տալիս, թե գերմանացիները գործողության ինչ ձևեր ու մեթոդներ էին կիրառում այնտեղ։

Այդպիսի փաստաթղթերից մեկի մեջ կարգում ենք.

«Մեր գաղութարարների բախտի մասին

անհանգստանալու կարիք չկա, Եվրոպայում պատերազմի վերջնական արդյունքները կլուծեն այդ հարցը։ Դրա համար Ռուսաստանում... պետք է առաջ բերել խառնաշփոթություններ։ Ինչպես հակառակորդի ուժերը քայքայելու լավագույն միջոց է... քաղաքական գործակալների միջոցով անկարգություններ առաջ բերելը պետք է մանրամասն նախապատրաստվի նաև նյութական միջոցների օգտագործման ճանապարհով։ Անկարգությունները պետք է բռնկվեն հանկարծակի, կործանեն հաղորդակցության ուղիները։ Անկարգությունները պետք է ունենան այնպիսի ղեկավարներ, որոնք կրոնական և քաղաքական ազդեցիկ շրջաններից են» (էջ 132—133)։

Այդ փաստաթուղթը մերկացնում է պաշարի այն կեղտոտ մեթոդները, որ կիրառում էին գերմանացիները առաջին և երկրորդ համաշխարհային պատերազմների ընթացքում։

Ուրիշ բազմաթիվ փաստաթղթերի մեջ գտնվել են նաև այնպիսի փաստաթղթեր, որոնք կոչ են անում Ռուսաստանում ապրող գերմանացի գաղութարարներին՝ պատրաստ լինել դուրս գալու՝ «Մեծ Գերմանիայի» համար։

1913 թվի սեպտեմբերին ստեղծելով էրգրումում հյուպատոսություն, գերմանական կառավարությունը հյուպատոս, հայդելի հետախույզ էղգար Անդերսի առաջ խնդիր դրեց պոկել Հայաստանը Ռուսաստանից և պաշտպանել ստեղծել այստեղ, ինչպես և Անատոլիայում, հետագա հարձակողական գործողությունների համար։ Բայց այդ մասին բացահայտ կերպով հայտարարել գերմանացիներն իհարկե չէին կարող։ Ընդհակառակը, նրանք խաբում էին Քուրբիային, խոստանալով նրան Կովկասի մուսուլմանական շրջանները։ Այդ նպատակին հասնելու համար ղեկավոր Ռորթախի կարծիքով հարկավոր էր հայերին Հայաստանից տեղափոխել Միջագետք և հայկական տերիտորիաները հատկացնել թուրքերին։

Գերմանիայի և Թուրքիայի գլխավոր շտաբները իրենց լրտեսական-հետախուզական գործունեության մեջ լայն չափով օգտագործում էին հայ ժողովրդի դիտարկման թշնամիներին՝ դաշնակներին։

Պատերազմի նախօրյակին լմիգրանտ դաշնակները Ինդիկում ստեղծել էին իրենց կոմիտեն, որի գործունեությանը ուղղություն էր տալիս Ռորթախը։ Վերջինիս ցուցմունքով, ինչպես և Շուլենբուրգի և Անդերսի աջակցությամբ, 1914 թվի սկզբից կազմակերպվել էր «գերմանա-հայկական ընկերություն», որի մեջ մտել էին Գերմանիայի հայտնի քաղաքագետները և դաշնակցության ղեկավար գործիչները։ Ընկերությունը մշակել էր իր ծրագրերը և ունե

իր օրգանքը նա նպատակ էր դրել ապահովել Գերմանիայի ազդեցությունը Հայաստանում. Ռուսաստանի և Թուրքիայի միջև պատերազմ ծագելու դեպքում ոտքի հանել հայերին ռուսների դեմ և աշխատել հեռացնել ռուսական զորքերը Հյուսիսային Իրանից: Այդ բոլորն անհրաժեշտ էր գերմանացիներին և թուրքերին Ռուսաստանի դեմ մղվող ռազմական գործողությունները դադարեցնելու համար: Դաշնակների բոլոր տպագիր օրգանները սկսում են քարոզել այդ դավաճանական ծրագիրը: Առանձին դաշնակցական ակտիվ գործիչներ լինում են պրակտիկ գոծի:

Դաշնակների ազգային խորհրդի նախագահ Զիլինգարյանը, հայտնի դաշնակցական գործիչներ վաճառական Զ. Քումանյանը և ուսուցիչ Սուխիկյանը Հայաստանում հիշած շրջաններից բաժանմունքներ ստեղծելու խնդրում օգնում էին Անդերսին և մարդկանց հավաքագրում էին հետախուզական և այլ աշխատանքների համար: Նրանց հակաժողովրդական գործունեության փաստերն անթիվ անհամար են: Անդերսն ու նրա հետախուզները, որոնց թվում և դաշնակները, ճանապարհորդում էին ամբողջ Հայաստանով և զանազան առաջադրություններ էին կատարում. այդ դեպքում գերմանացիք օգտագործում էին այն դժգոհությունը, որ առաջ էր գալիս ո՛չ ուս ժողովուրդներին ռուսացնելու բռնի չափաքանկության հետևանքով: Անդերսին հատկապես հետաքրքրում էր սահմանամերձ շրջանների բնակչության բարոյական-հաղաքական վիճակը, սահմանների պահպանման վիճակը, զորքերի դասավորությունը, սահմանների ամրությունները, կոմունիկացիաները: Կազմվում էին քարտեզներ, սխեմաներ, մանրամասն ղեկուցագրեր:

Հատուկ ուշադրություն էր հատկացվում սահմանամերձ շրջաններէ ազգաբնակչության մեջ քաղաքական աշխատանք կատարելուն, որը իրագործվում էր դաշնակների, թուրքական հետախուզների օգնությամբ, որոնք լավ գիտեին տեղացիների լեզուն, կենցաղն ու բարքերը: Գերմանացիներին այդ տեսակետից քիչ ծառայություն չէր ցույց տալիս ռեգիստրալ-թուրքական-վրացական կոմիտեն. վերջինիս առանձին անդամները վրաց նացիոնալիստ-միլիտանտներից էին և բայրայիլ աշխատանք էին կատարում Վրաստանում: Դրանց թվին էին պատկանում դիվերսանտ Թավդգերիձեն, Լևսյան բեկ Աբաշիձեն, Համիդ բեկ Բեժանիձեն և ուրիշները:

Արխիվային նյութերի հիման վրա գրքում ցույց է տրված, որ շնայած գերմանաթուրքական գործակալության գործունեության նկատմամբ տեղական իշխանությունների լիբերալ

բարեհոգի վերաբերմունքին՝ հետախուզական օրգանները հետևում էին թուրքական և գերմանական հետախույզների յուրաքանչյուր քայլին:

Պատերազմի սկզբում Անդերսը կալանավորվեց Թիֆլիսում: Ֆոն Եուլենբուրգին հաջողվեց փախչել Տրապիզոն: Հենց այդ օրերին էլ Թիֆլիսում բանտարկվել էին դրքի մեջ հիշված խոշոր հետախույզներից 51 հոգի, իսկ սեպտեմբերին էլի 71 մարդ: Այսպիսով բացառությամբ առանձին գործակալների, գերմանաթուրքական գործակալությունը ընդհանրապես ձախողություն կրեց Կովկասում:

Գրքի յոթերորդ և վերջին գլուխը նվիրված է հայերի բնաշնչման թուրքական պլաններին և այն վերաբերմունքին, որ կոտորածների նկատմամբ ցույց էին տալիս գերմանական և անգլո-ամերիկյան իմպերիալիստները, որոնք արտաբնական սրտացավ վերաբերմունք ցույց տալով, գործնականում գոհունակությամբ էին դիտում թուրքերի արյունալի հանցագործությունները, հայերի և ուրիշ ոչ թուրք ժողովուրդների նրկատմամբ:

Ար. Մնացականյանը վերջում տալիս է գրքի մեջ նկարագրված դեպքերի ընդհանրացնող վերլուծությունը: Նա ճիշտ է նշում, որ գերմանա-թուրքական գործակալությունը, այնուամենայնիվ կարողացավ Կովկասում ծավալել լրտեսական գործունեություն: Դա մի կողմից բացատրվում է օտարերկրացիների՝ երկրի էկոնոմիկայում ունեցած տիրապետող դիրքով, և տիրապետող դասակարգերի՝ նրանց առաջ ունեցած ստորաքարշության, իսկ մյուս կողմից նրանով, որ ցարական պահնորդական բաժինն ու ժանդարմերիան ավելի շատ զբաղված էին Ռուսաստանի ռեուցիոն մասսաների դեմ ուղղած պայքարով, քան թե օտարերկրյա լրտեսության դեմ միջոցներ ձեռք առնելով:

Գերմանա-թուրքական իմպերիալիզմի գործակալության ձախողումը Կովկասում՝ բացատրվում է նրանով, որ նրանց պլանները ցնորամիտ էին, ռեալ չէին և որ գլխավորն է, Անդերսնովկասի աշխատավորները չէին ենթարկվում թշնամու պրպագանդային: Կովկասի ժողովուրդների միջև եղած բարեկամությունը, սերը դեպի ուս ժողովուրդը և նրա հետ ունեցած շահերի ընդհանրությունը, ներքին և արտաքին թշնամիների դեմ մղվող պայքարում՝ միացնում էին նրանց, ուս մեծ ժողովրդի ղեկավարությունը:

Իր քաղաքական նշանակությամբ օգտակար և ակտուալ այս գիրքը ունի մի շարք թերություններ:

Դրանցից մեկը պետք է համարել այն, որ գերմանա-թուրքական գործակալության գոր-

ծուծեությունն Ադրբեջանում, լուսաբանված է ոչ բավականաչափ: Հայտնի է, որ Ադրբեջանն ու հատկապես Բաքուն միշտ եղել և մնում են օտարերկրյա իմպերիալիստների և նրանց հետախուզական օրգանների ուշադրության կենտրոնում: Ինչպես երևում է, գրքի հեղինակը հնարավորություն չի ունեցել լրիվ օգտագործել Ադրբեջանի արխիվներն ու եղած գրականությունը: Ինչպես շրինակ ՌՄՆԼ-ի Ադրբեջանական ֆիլիալի ախատություններում եղած նյութերը:

Գրքի մեջ հարկ եղած չափով խոսվում է դաշնականների մասին, սակայն մեր կարծիքով, թիչ ուշադրություն է հատկացված Կովկասում հանդես եկած մյուս ռեակցիոն նացիոնալիստական վաճառված էլեմենտների գործունեությանը, որը ծավալվում էր օտարերկրյա իմպերիալիստների օգտին: Միայն յոթերորդ գլխում է՝ խոսվում անդլո-ամերիկյան իմպերիալիստների վարքագծի մասին, որոնց Կովկասը հետաքրքրում էր գերմանա-թուրքական զավթիչներից ոչ պակաս: Ցանկալի էր ցույց տալ համաշխարհային առաջին պատերազմի նախօրյակին Կովկասում գործող այդ հակա-

մարտ խմբերի հակասությունները: Գրքի յոթերորդ գլխում խոսվում է շատ համառոտակի հայերի բնաշնչման պլանների և վերջիններիս նկատմամբ իմպերիալիստների ունեցած վերաբերմունքի մասին. ի դեպ պետք է ասել, որ այդ խնդիրը կարելի էր առանձնացնել և շարադրել որպես մի ինքնուրույն թեմա:

Ցանկալի է, որպեսզի հեղինակն այդ բացերը լրացնի իր ախատության երկրորդ մասում, որը, ինչպես խոստանում է, պիտի ընդգրկի գերմանա-թուրքական ագենտների գործողությունները՝ 1914—1920 թվականներին:

Այդ թերությունները չեն փոքրացնում Ա. Մնացականյանի գրքի նշանակությունը: Այդ աշխատանքը շատ օգտակար է և ուսանելի աշխատավորների քաղաքական զգոնությունը բարձրացնելու գործում, ուսանելի է մանավանդ այժմ, դեմոկրատական և պրոգրեսիվ ուժերի կողմից ռեակցիայի և նոր համաշխարհային պատերազմի հրձիգների դեմ մղվող պայքարի պայմաններում:

ՀՈՎՀ. ԻՆՃԻԿՅԱՆ